



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput XII. (a) Clemens.

[urn:nbn:de:hbz:466:1-74526](#)

(a) **B**elvac.] Ita etiam legitur in prima collectione, *sub hoc tit. cap. II. ex qua re-*

stitu integrum hujus textus. De Belvac. Ec-
clesia agemus in capite 3. de foro competenti.

(b) **XIV. annorum.**] Juxta adducta super *in*
cap. 2. cap. quia in insulis.

C A P U T XII.

(a) Clemens.

Cum virum te prudentem in causis fore noverimus, & discretem, si in quibus dubitas, à nobis consilium solicitude pastorali requiris, & tibi de jure canonico, quod possumus, respondemus, & prudentiam tuam dignis in Domino laudibus commendamus. Curasti siquidem tuā nobis insinuatione proponere, utrum ea, quæ infra discretionis (b) annos à parentibus monasterio tradita est, & habitum religionis induens, benedictionem accepit, & exiens postmodū, cùdā se militi copulavit, ex quo etiam prolem fuisse, ad monasterium redire cogatur, cùm illa afferat, postquam aetatem contentiendi habuit, dissensile, & benedictionis munus invitam suscepisse commemoret. Super eo consultationi tua duximus respondentum, quod cùm juxta Concilii (c) Toletani censuram, monachum aut paterna devotione, aut propria professio faciat, quicquid horum fuerit allegatum, tenebit, revertendi ad seculum aditu penitus interdicto: non enim videatur illa monasticæ professionis à se posse jugum excutere, cùm eam non constet evidenter contradixisse, cùm benedictionem accepit, quam utique non nisi in aetate discretionis recipiunt, quæ velantur, præsertim si ratificatione sequenti, et si eam quandoque contradixisse constiret, quod ante gestum est, roboratur. Nec obloquitur quod de sancti viri prædecessoris nostri (d) Leonis Papæ constitutione per contrarium sensum assumitur, ut pueræ, quæ coactæ parentum imperio virginitatis habitum suscepérunt, plumbum possint sine prævaricatione deferrere, cùm de ea possit intelligi, quæ in aetate nubilis nolit constituta: tunc enim quia liberum arbitrium habet in electione propositi, parentum sequi non cogitare voluntatem.

NOTÆ.

(a) **C**lemens.] Ita etiam legitur in secunda collectione, *sub hoc tit. cap. 3. nullibet* tam exprimitur Prælatus, cui reficit Pontifex, quod & in aliis decisionibus ipsius Pontificis frequentius notavi.

(b) **Discretionis annos.**] Id est xij. annos, ut ex post supra incap. quia in insulis.

(c) **Toletani.**] Relati in cap. monachum, 20. quæst. 1.

(d) **Leonis.**] Relati in cap. pueræ, 20. q. 1.

COMMENTARIUM.

I.
Conclu-
sio dedi-
ciuntur
&
proba-
tur.

Ex his duabus decisionibus communiter talis deducitur assertio: *Impubes à parentibus monasterio oblati, si post pubertatem non reclamaveri, non potest inde restire.* Probat eam textus in cap. addidisti 2. cap. monachum 3. cap. quicunque 4. cap. infans 7. 20. quæst. 1. cap. 1. 20. quæst. 2. cap. clericus, junctis ibi notatis, de vita & honest. cleric. Concilium Aurel. 5. can. 18. Qui à parentibus detorsi fuerint, aut sponte sua amissis parentibus seipso religioni devoverunt, & postea habitum secularem sumpererunt, à sacerdoti comprehensi, ad cultum religionis acta prius parentiæ reverentur. Concilium Wormat. sub Hadriano II. Pontif. & Ludovic. Pio Imperat. can. 2. Si pater, vel mater filium, filiamve intra septa

monasterii in infante annis sub regulari tradiderit disciplina, non licet eis postquam ad pubertatis per venerint annos egredi, & matrimonio copulari: hoc ergo omnino devitandum, quia nefas est, ut oblati à parentibus Deg filii, voluntatis frumenta laxentur. Igitur ut prædictum, non licet eis suscepimus unquam habitum deferrere; sed cumquis qui tonsuram, aut religiosam vestem aliquando habuerint, in religionis cultu, habituque, volunt nolint, permanere cogantur. Et can. 22. & 23. Alexander III. post Concilium Lateralensem p. 50. cap. 10. Concilium Toletanum 10. can. 6: cuius verba juxta traditionem Loysle ita transcribo: *Cum bicusque dissolute operationis effectus interdum nutare fecerit honeste confutatio- nis editum, dum incondit resoluta putatur, quod indissolubile functionis autoritate tenetur;* ido quicquid ob vitium ex incerto carrit, evidenter abjici debet, ut de cetero nihil superfit, quod in dubium nutetur. Ideoque si in qualibet muni- ri aetate, vel religionis tonsuram, vel religionis de- bitam vestem in utroque sexu filiis, aut uno, aut ambo parentes dederint, certe nolentibus, aut nescientibus, si suscepimus non max visum in filiis abdicaverint, sed vel coram se, vel coram Ecclesia, palamque in conventu eisdem filiis talia habere permissemus, ad seculum reverti habitum ipsis filiis quandoque penitus non habebit; sed

convicti, quod tonsuram, vel religiosam vestem aliquando habuerint, mox ad religionis cultum, habitumque revocentur, & sub eterna distinctione hujusmodi observantia inferire cogantur, parentibus sane filios suos religioni contrahere, non amplius, quam ad decimum eorum etatis annum licentia poterit esse. Gregorius Papa II. epist. 14. Illustrant ultra congetos in praesenti à Barbosa Suarez de relig. tom. 3. lib. 6. cap. 3. Sanchez de matrim. lib. 4. disserit. Basilius codem tract. lib. 7. cap. 5. num. 10. & q. 3. scholast. cap. 5. Vasquez in I. 2. D. Thomas, disserit. 85. cap. 6. num. 43. Yepes tom. 2. chron. D. Benedicti, anno 633. cap. 3. Antonius Augustinus in epist. juris Pont. lib. 9. titul. 10. Germonius lib. 3. de sacrar. immixt. cap. 4. Barbosa lib. 1. juris Eccles. cap. 45. num. 13. Espenceus de voto contin. lib. 4. cap. 5. Gibalinus de clausura regul. disquisit. 3. cap. 2. §. 3. Hallierius de sacris elec. scđ. 8. artic. 1. Haecphenus disquisit. monast. tom. 1. lib. 4. tract. 1. per torum. Petrus Herodius in tractatu de patro jure, pag. mibi 984. Leo Pinel. in cap. 2. hoc tit. §. 5. per totum. Bellarminus tom. 1. controver. lib. 2. de mon. cap. 36. Narbona de estate ad actus humanos, anno 7. quæst. 17. & anno 14. quæst. 17. Avendano de metu lib. 2. cap. 48. Cellotius de hierarch. lib. 5. cap. 8. §. 2. Menardus ad concord. regul. fol. 986. Bravo ad regul. D. Benedicti, cap. 59. Cabassutius in nostr. Concil. in Concil. Wormat. Alteféra lib. 1. disserit. cap. 5.

Sed pro dubitandi ratione in præsentem assertio-
nem sic insurgo: Nemo obstringi debet votis mo-
nasticis circa propriam voluntatem, quam præ-
cisè exigit omne votum, vel juramentum, cap.
unico. 30. quæst. 1. D. Thomas 2. 2. quæst. 98. artic.
4. docent Narbona dicta quæst. 17. num. 8. & 10.
Sylvester in summa, verbo votum 2. quæst. 9. & 11.
Vazquez dicta disserit. 85. cap. 6. num. 43. Lessius
de justitia lib. 2. cap. 4. dubit. 10. num. 66. Gu-
tierrez in authentica Sacramenta, num. 14. Mar-
quez in Gubernat. lib. 2. cap. 22. in fine. Sed
velle non creditur, qui obsequitur imperio pa-
tris, vel domini, l. nec filium, Cod. de nuptiis, l.
uelle, ff. de reg. iur. ergo filii à parentibus re-
ligioni oblati virtute talis oblationis votis mona-
sticis non manent obstricti. Augetur primò hæc
dubitandi ratio; nam metus reverentialis paren-
tum reddit nullam professionem filiorum, cap.
puelle 20. quæst. 1. cap. presens 20. quæst. 3. me-
tus enim reverentialis gravis censetur, ut probant
Basilius de matrim lib. 4. cap. 5. à num. 6. & cap. II.
num. 16. Pantoxain l. 2. num. 1. ff. de aleat. Stephanus
Durantius qq. iur. quæst. 4. Medrano de con-
sens. connub. cap. 13. numero 10. & 11. Igitur
multò magis reddit nullum actum in casu ob-
lationis filii facta à parentibus absque ejus vol-
luntate. Secundo fulcitur hæc difficultas ex eo,
nam inutilis est promissio, quā quis spondet ali-
um daturum, facturumye; quia de semetipso
quisque promittere debet, ut obligetur, l. si-
pulatio 38. in princip. l. si ita stipulatus 97. §. 1. ff.
de verbis. oblig. l. sine 9. & alius 3. l. si filio 19. ff. de
interrogat. l. cum quæst. 8. sed si quis ff. de confit. pecun.
ambit. si quando, C. codem titulo, l. fluminum 24. §.
quamquam ff. de damno infecto l. sc̄ns 65. ff. de fide-
iuss. §. versa vice. Instit. de inst. ibi: Viderit in ea
causa esse ne non teneatur; quia ita à jure receptum
fuit, ut non aliter quis obligetur, quā si de leipso
promittat. Igitur virtute promissionis paternæ filius

D. D. Gonzal. in Decretal. Tom. III. Pars II.

obstringi non debet ad amplectendam vitam reli-
giofam. Augetur tertio hæc difficultas ex eo, quia
unicuique libera esse debet facultas, ut certum
vivendi genus pro arbitrio eligat; non enim
frustra natura ad singulos non solum status,
verùm etiam singulas conditiones, artes, dis-
ciplinas, propensionem singulis indidit: pro-
inde parentes jura pervertunt, qui filiorum
fuerū pro arbitrio conditiones longè præ-
scribunt; Immo Dei ipsius gratia, ac voca-
tioni injuriam faciunt, qui de ea, ut de re
sua, & in potestate constituta disponunt, &
quadam temeritate ad monasticum statum li-
beros, quorum nec indolem, nec animum no-
runt, parentes condemnant potius quam vo-
vent, ignorantes, quod Dominus ait apud
Matthæum cap. 19. de virginibus agens: Non
omnes capiunt verbum istud: Immo cœlibatum
nulla necessitate constringens, concludit ibi:
Qui potest capere capiat. Igitur parentes non
potiunt filios ita offerre religioni, ut necessi-
tatem illis imponant, ut velint nolint vitam,
quam non optant, profiteantur? nec potest
vera esse religio, qua religionis ordinem à
Deo statutum pervertit. Hunc autem ordinem
Deus prescrivit, ut non nisi volentibus per-
fectionis statum proponi voluerit? Si vis, & in-
quit Dominus apud Matthæum cap. 19.) per-
fectus esse, vade & vende omnia, que habes. Quem
ordinem sequitur Apostolus 1, ad Corinthios
cap. 7. ait: De virginibus preceptum Domini non
habeo, consilium autem do. Irreligiosa itaque e-
rit oblatio parentum, que filios religioni devin-
cat. Nec solum prælenti ratione adstruitur,
verum & Sanctorum sententias firmatur. Di-
vis enim Augustinus epist. 199. de filio à parenti-
bus oblato ita ait: Quid mirum, si pater com-
munem filium molebat hujus vite sufficiaculis à
marre nudari, ignorans quid in grandiscula at-
testaturus eset, monachi ne professionem, an ec-
clesiasticum monasterium, an conjugalis necessita-
tis vinculum: quamvis enim ad meliora excusan-
di, & commonendi sunt filii Sanctorum, unusquis-
que tamen donum habet à Deo, alius sic, alius au-
tem sic. D. Ambrosius de exhort. ad virgines, laudat
Julianam, & ita alloquenter liberos suis intro-
ducit: Necessitatem hujus vite, & tentationem
hanc si vultis filii vitare, integritas corporis vo-
bis expetenda, quam pro consilio suadeo, non pro
imperio præcipio; solum enim suaderi potest, im-
perare non potest rei magis voti, quam præcepti-
quod enim gratia est, non jubetur, sed desidera-
tur; electionisque magis est, quam servitutis. Unde
Apostolus de hoc consilium dat, præceptum Do-
mini non habet, qui suadonibus in celo ceteris pre-
stantiora promittit, sed negat hoc capere condicio-
nis humana infirmitatem, ut virginitas omnibus
pateat, solis ad capendum facilis, quibus divina
refulsa gratia, ut castrare se possint, quo regnum
colorum adipiscantur, & Angelorum vitam exhibe-
ant: hoc vobis suadeo, quo nihil pulchrius. Ac-
cedit Tridentinum sess. 25. de reform. cap. 17.
Igitur obligationem castratis servanda, quam
nec Christus, nec Apostoli imperare volue-
runt, parentes virtute oblationis liberis im-
ponere nequeunt. Augetur tandem hæc du-
bitandi ratio argumento deducto à mar-
rimonio; nam ex promissione patris, etiam
juramento firmata, non tenentur liberi con-

K k k 2 trahere

trahere eas nuptias , quibus consensum ipsi minimè adhibuerunt cap. si verum , cap. tua sanctitas ; 31. q. 2. ita fortiori ratione non obligantur ad monasticum statum , quem parentes pro ipsis voverant. Dixi , fortiori ratione : tum quia matrimonium in sua primava natura habet naturam contractus , & ita facilis in eo potestas patria exerceri potest : tum quia perfectiora sunt opera , & per se difficultiora status monastici , quam conjugalis.

3.
De obla-
tione pa-
renrum
in lege
veteri.

Quā difficultate ita fulcīta non obstante , vera est præfens assertio , pro cujus expositione sciendum est , tam in lege veteri , quam nova gratia , moris fuisse , parentes suos liberos suos Deo vovere , & dicere , cujus iei exempla quamplurima habemus. In sacra pagina constat , Samuēlem Prophetam maternā devotione Deo prius oblatum , quam huic mundo editum. Postquam vero oblatus est , adduxit enim Anna mater ad dominum Domini in Silo : puer autem erat adhuc infantulus. Et Reg. cap. 1. vers. 24. triennem tunc fuisse Salianus , Galpar Sanctius , aliquis tradunt. Cui sententia favet Chrysolomus tom. homil. 3. de fide Anna , ibi : Adduxit , ac reliquit (Anna Samuēlem) nec puer à mamma divulsus molestè rulit , cum sciat quā soleam indignari pueri , quoties à latē depelluntur. Et non longè post : Prima statim pueritā à mamma maris venit ad mammam spiritualem. Samson etiam parentum voti tenax Nazaraeus factus , toto vita sua tempore à vino abstinuit , aliosque Nazareorum ritus religiosè observavit , ut refertur in cap. 13. Iudicium . His adjungo sacratissimum Deiparam Virginem Mariam , quā , ut Nicēphori verbis utat lib. 1. Eccl. hist. cap. 7. ibi : Statim arię à latē materno abhorruit , & mammam attingere noluit , promissionem mater adimpler , & in templum ascenderit , iuxta vorum eam Deo consecrat , tertium tunc aetas annum agentem. Et sacerdotes quidem tunc eam tanquam sancti quoddam donarium suscepere ; & puellam in sacrario fovendam esse dixerunt , ad antiqui illius Samuelis similitudinem . Quam sacram historiam contra Centuriatores probat & defendit Haæptenus lib. 4. disquisit. monast. disquisit. 3. His itaque exemplis , & documentis informati Christiani , eundem motem observarunt , quem piūn , æquimque esse defendit Origenes homil. 11. in Levit. & normullis exemplis firmare possumus , veluti Gregorii Nazianzeni , cuius mater cū mascula prole careret , ejusque habendi cupiditate flagraret , promisit , si Deus ejus votis adnueret , filium Deo consecraturam : & cūm non longè post masculum enixa esset , illum statim Deo obtulit , ut refert Gregorius Presbyter in vita Sancti Gregorii Nazianzeni . Idem de aliis refert D. Hieronymus in epist. 15. ad Marcellam . Similiter Heliodorum puerum trium annorum monasterio oblatum fuisse , refert Theodoretus in Philotheo , & alia exempla puerorum , qui à teneris annis monasterio à patribus oblati fuerunt , referunt Franc. Hallierius ubi supra , fol. 352. num. 3. Haæptenus dicta disquisit. 3.

4.
Deriu-
bus hu-
ijs obla-
tione.

Ritus autem deoyendi , ac consecrandi Deo filios impuberis expressit , prescriptisque D. Benedictus cap. 59. sua regula , in illis verbis : Si ipse puer minori estate est , parentes ejus faciant petitionem , quam supra dixi , & cum oblatione ipsam petitionem & manum pueri involvant in palla

altaris , & sic eum offerant. De rebus autem suis , aut in presenti petitione promittant sub iure jurando , quia nunquam per se , nunquam per seipsum personam , nec quolibet modo , & aliquando aliquid dent , & tribuant occasionem habendi. Vel certe si hoc facere noluerint , & aliquid offere voluerint in elemosynam monasterio pro mercede sua , facient ex rebus , quas dare volunt monasterio . Ex quibus verbis appareret primò , parentes petitionem , promissionemque fecisse his verbis : Ego talis promitto coram Deo , & Sanctis ejus pro filio meo de stabilitate sua , & conversione morum , atque obedientie. Lanfrancus in Bat. cap. 18. & integrum formam oblationis refert Smaragdus in hac verba : Dum legaliter sancitum , antiquius teneatur cautum cum oblationibus Domino parentes suos tradere filios in templo Domini Domino feliciter servituros , proculdubio hoc de nostris filiis faciendum nobis salubriter præbet exemplum : quem etenim est judicium Creatori nostro de nobis reddere fructum , idcirco filium nostrum N. cum oblatione in manu , atque petitione palla omnino involuta , ad honorem Sanctorum , quorum hic reliqua continentur , & Abbatis presentis traditum coram testibus regulariter permanetur ; ita ut ab hac die jam non licet illi collum de sub regula excutere jugo , ejusdemque regule fideliter se cognoscat instituta servare , & Domino cum ceteris gratianti anno militare : & ut hac traditio nostra inconvenia permaneat , promitto cum iure jurando coram Domino , & Angelis ejus , quia nunquam per me , nunquam per seipsum personam , nec quolibet modo per rem mearum facultates aliquando egrediendi ei de monasterio tribuo occasiones . Et ut hac petit firma permaneat , manu mea eam firmavi , & testibus tradidi roborandam. Hactenus Smaragdus . In cuja formula primo notandum est , oblationem filii à parentibus fieri simul cum alia re : quod & docuerunt Lanfrancus de statibus capite 18. Boërius in dicto cap. 59. regul. D. Benedicti , ibi : Aliquid conferatur ad stipem templi , velut pacem , aut vinum , vel lumen , vel utrumque cum puro offerant. Quam oblationem juxta morem legis veteris , in qua mulier expletis diebus purificatiois sua offerebat in templo filium cum agno annulo in holocaustum , & pullum columba pro peccato , Levit. cap. 12. exponit Haæptenus dicto lib. 4. disquisit. 3. Deinde manus pueri offerendi altaris palà , seu sydone , qua altare tegit obvolvebantur. Lanfrancus dicto cap. 18. ibi : Quā oblatione à sacerdote susceptā , involvant predicti parentes manus pueri in palà , quā altare copertum est , & cuius pars anterior pendet , & tum suscipiat eam Abbas . Cui conformat consuetudo , quam apud suos servari refert Boërius in dicto cap. 59. regul. D. Benedicti , ibi : Facta receptione in Capitulo , habitu induitus per parentes , & amicos puer offeratur ad altare , & super ipsum genibus flexi , & capite inclinato duo fratres imponunt pallam , seu pallium , quod ante altare dependet. Per quam symbolicam traditionem transferri possessionem , dominiumque cujusque rei , jam probavi in capite 2. de confusione . Tertio sequebatur promissio parentum , quā ut Lanfrancus dicto cap. 18. ait : Promittebant , quod per se , aut à se suppositam personam susceptum Ordinem puer nunquam relinquat , nec se ei aliquid scienter darinos , unde puer (quod absit) perire posset : hanc promissionem prius scriptam coram testibus verbis ibi prīus edicam.

edant, & postea super altare ponant. Fiebat enim prædicta promissio coram testibus. Concilium Aquisgran. can. 36. Vix puerum pater, & mater tempore oblationis offerant altari, & petitionem pro eo coram laicis testibus faciant. Quæ verba reperiuntur in addit. I. capitul. tit. 36. ex ratione adducta in cap. final. 20. q. 2. Ritum vero testificandi refert Ruthardus his verbis: Ille (pater) debet respondere, dicens: Volo tradere filium meum Deo omnipotenti ad serviendum sibi in hoc monasterio. Et paulo post: Deinde debet dicere Abbas testibus: Auditis fratres, & videtis, quid iste dicat? Illi debent dicere: Audimus, & videntur. Tandem explicet his, inquit Lanfrancus in statutis cap. 18. Benedic Abbas cucullam, exsensum puerum cappâ, vel pedibus, vel alia hujusmodi clamyre, dicat: Exeat te Dominus veterem hominem. &c. Dehinc ducatur ad radendum, & vestiendum, sicut nostra Ordinis consuetudo est. Cum autem aetas facturus professionem fuerit, fiant & carera, que superius debere fieri convergerunt diximus. Hoc enim quod modo factum est, reveri non oportet. Hactenus ritus prædictæ oblationis, qui adeò diligenter observandi erant, ut ex eorum neglegenti professio nulla redderetur. Unde Nicolaus Papa in cap. presens 20. q. 3. decretivit Lambertum puerum à parente oblatum non teneri in monasterio permanere; quia pater inter cetera sub juramento declarasset, quod nunquam Lambertus regulam aliquam promisisset, nec ipse pater pallio (aliis palla) altaris illum indutum obtulisset, nec à fæcere, vel Abbatte benedictione acceptâ vitam monasticam promisisset. Similiter D. Bernardus epîs. 1. probat, Robertum nepotum suum, qui de Ordine Cisterciensi transierat ad Cluniacenses, apud quos puer fuerat oblatus, non teneri ad eos redire, eo quod illis magis promissus fuisset, quam donatus. Nec enim, inquit Sanctus, petitio, quam regula præcipit, pro eo facta fuit à parentibus; nec manus illius cum ipsa petitione involuta pallâ altaris, ut sic offeretur coram testibus.

*Difff. dubiu-
m obla-
tum*
Sed circa obligationem, quæ ex hac oblatione parentum in filiis oriretur, non consentiant Doctores, tam Theologi, quam Canonists. Aliqui affirmant, filios à parentibus in infantia oblatos, posse ad seculum redire, nisi postea in legitima aetate oblationi de se pridem factæ expressæ, vel tacite conseruent, retinendo scilicet habitum, vel munia professorum obeundo: ita docuerunt Barbola in praesenti, & in cap. significatum II. num. 3. hoc iiii. Getmonius lib. 3. de sacror. immunit. cap. 4. num. 23. Gibalinus de classifica regul. disquisit. 3. cap. 2. sect. 3. ex num. 16. Leo Pinel. in cap. 2. hoc tit. §. 3. Leffius de justitia, lib. 2. cap. 40. dubit. 10. Hallierius de sacris elect. sect. 8. art. 2. pag. 356. Vasquez in 1. 2. disput. 165. cap. 4. num. 32. Turrilex. & Boërius in cap. 59. regul. D. Benedicti, inquit Antonius Augustinus lib. 9. epîs. tit. 30. Moventur primò ex textu in cap. illud 10. 20. q. 1. ubi Marcellus Pontifex, qui floruit per annos 304. ita statuit: Si in minori aetate filii monasterio oblati fuerint, vel sacram tonsuram, vel velamina suscepserint, dignum quidem ducimus, ut xv. anno à Prelatis moniti inquirantur, utrum in ipso habitum permanere cipiunt, an non: si vero permanere profisi fuerint, ulterius paenitendi locum minime amplecti possint: si autem ad secularem habitum re-

D.D. Gonzal. in Decretal. Tom. III. Pars II.

verti voluerint, redeundi licentia nullo modo denegetur, quia satis inutile est, ut coacta servitia Domini presentetur. Secundo ex cap. sicut, hoc tit. ubi dicitur, quod sicut qui monasteria elegerunt, à monasteriis egredi non permittuntur, ita & hi, qui inviti, sine justæ offensionis & occasionis causa sunt intronissi, nisi volentes non teneantur; quia quod non pertinet, non obseruant. Tertiò ex cap. cùm simus 14. hoc tit. in illis verbis: Quod si diçtus puer ad annos discretionis pervenerit, & habitum retinere noluerit monachalem, si ad hoc induci nequeritur, non est ultimum compellendus quia tunc liberum sibi erit eam dimistere, & bona paterna, quæ ipsi ex successione proveniunt, postulare. Quartò ex cap. I. 20. q. 1. ibi: Firma tunc erit professo virginitatis, ex quo adulta jam etas esse copit, & ea qua solet ut apta mptius depretari.

Contrarium tamen, immò primis Ecclesia seculis solam oblationem parentum constituisse *contra* filios verè monachos, ita ut ipsi non possent *via sen-
tia* refilire unquam à professione monastica, ad *referuntur* seculumque redire, docuerunt, & probarunt *Epro-
f. 4.* Petrus Herodius in tract. de patrio jure, Haæphtenus disquisit. monast. dicto lib. 4. disquisi-
t. 4. Petrus Herodius in tract. de patrio jure, Cironius in parat. ad hunc titulum. Claudius Espenceus lib. 4. de voto continent. cap. 1. Basilius quæb. 3. scholast. cap. 5. quibus assentire videntur Manrique tom. 2. annal. Cisterc. anno 1117. cap. I. num. 4. dum alium sensum non assignat dicto Concilio Tolet. relato in dicto cap. monachum. Yipes tom. 2. chron. D. Benedicti, anno 133. cap. 3. dum docent, attento dicti Concilii Toletani decreto, filios oblatos à parentibus religioni perpetuâ infamia fuisse notatos, si habitum deie-
ruiissent, nonolentes eorum devotioni, ac oblationi stare, & parere. Quæ sententia verior est, & firmetur auctoritate, exemplo, & ratione. Au-
toritate Conciliorum, & Patrum Ecclesie, quo-
rum verba supra retuli pro illustratione præ-
sentis conclusionis. Exemplis relatis supra ex
sacra pagina. Nec etiam defunt prophana exem-
pla; legimus enim apud Servium lib. II. *Aeneid.*
Ipsæ pater famulam voveo. Ex quibus constat, jure
etiam apud Gentiles parentes olim in filios ha-
buisse potestatem auctoramenti, id est jus pro
imperio devovendi, sive in victimâ, sive in fa-
cerdotio, ut ex eodem loco observarunt Ciro-
nius in praesenti, Petrus Herodius de patrio jure,
pag. 984. Et Cleas Sacerdos apud Plutarchum
in libro de Iside & Osride, ab infantia per pa-
rentes supponitur devota, dedicataque Deo;
quod antiquitatis monumentum nec lauit poli-
tissimum, & cultissimum Barclajum, dum Re-
gem Meleandrum inducit pro sua potestate Ar-
genidem filiam Palladis Sacerdotio præficien-
tem, lib. 2. sua Argenis, forsitanque eodem
allusio Caesar lib. 6. de bello Gallico, cap. 4. ubi
Druidum (qui Gallorum Sacerdotes erant) pri-
vilegii recensens, multos parentes Diis filios
suis tradidisse refert. Notavi Petrus Herodius
ubi supra. Rationibus etiam hæc sententia ad-
strutur; quemadmodum enim in susceptione
baptismi parvulorum intercedit votum, & qui-
dem solenne Religionis christiane, quo adstrin-
guntur baptizati per patres, seu patrinos, per-
petuò tenere, & profiteri catholicam fidem; co-
dem modo, quos olim parentes religioni volvebant,
illi obligabant per vota solennia, & substantia-
lia, ut docuit Perezius in d. cap. 59. Regul. D. Be-

Kkk 3 nediti

nediti. Et sicut pater olim illum, quem proprium vendidisset, in servitute manebat; ita & religione oblatus tenebatur servare vitam monasticam, & in monasterio persistere. Sed cum deinceps SS. PP. Ecclesiaeque Praesules agnoscerent pravos effectus evenire ex hac subita filiorum oblatione, sanxerunt post sextum Ecclesiae seculum, ne aliter filii oblati a parentibus cogerentur in monasterio persistere, quam si post annos probationis tacite, vel expresse oblationem parentum consenserint, hoc insuper addito, ne ante discretionis annos ipsi licetet a religione resiliere, cap. puelle 8. cap. sicut 9. 20. q. 1. cap. significatum est, cap. cum finis, hoc rit. Unde jure noviori triplicem fortuit effectum paterna oblatio. Primus est, ut ita oblati possint a monasterio recipi, & retineri. Secundus, ut pater non possit amplius uti patria potestate ad eos revocandos, quia jam cessit iuri suo, & quantum in se est, per oblationem filios religioni donavit, ipsamque donationem acceptavit. Tertius est, ut neque ipsi sua voluntate ante annos probationis egredi possint, quia in ea aetate non tam sua, quam patris voluntate reguntur.

*7. Respon-
datur
funda-
mentis
contra-
riis.*

Nec obstant contraria sententia fundamenta: non textus in dicto cap. illud; nam ut recte notavit Haæphthenus dicto lib. 4. disquis. 12. textus ille non est Marcelli Pontificis, nec illius tempore agi poterat de filiis oblati a parentibus Religioni, cum vix essent monachi iuxta claustrum vitam religiosam agentes; sed Eremitae tantum in eremo secedentes. Unde cum textus ille transcriptus sit a Palea Gratiani discipulo, nec reperiatur apud alios Decretistas, videlicet Anselmum, Carnotensem, Burchardum, merito ejus auctoritas negatur. Nec obstat textus in dicto cap. sicut, ead. quæst. cui facile respondetur, si obletemus, textum illum in modum objectionis a Gratiano transcriptum, intelligendum esse de adultis parentum imperio coactis Religionem ingredi, ut satis ex ejus serie liquet. Net tandem oblat textus in dicto cap. 1. qui defensus est ex regula D. Basillii, interprete Rufino. Quia respondetur, in eo agi de professione il-

lius puella, quæ in annis pueritia proprio arbitrio Deo offertur; quam oblationem non confirmat parentum consentius: non ergo in eo textu profectio coeparat ab oblatione parentum, sed a propria professione; unde quid mitum, ut legitima aetas desideretur. Nec obstant utriusque juris principia, quæ pro dubitandi ratione expendebamus; quibus moti Ecclesiae Praesules post sexum seculum decreverunt, ultra oblationem parentum defederati in filiis voluntatem propriam, tacitam, vel expressam, ad veram professionem emittendam in Religionem. At vero primis Ecclesiae seculis virtute oblationis tantum paternæ filii monachi efficiebantur, quoniam pater, materve, qui jure naturalis potestatis filium Religioni offerebant, disponebant de re sua ad libitum proprium, nec promittebant alienum factum filii, sed illum tanquam rem propriam Deo dicabant, ut docent Suarez de Relig. tom. 3. lib. 5. cap. 1. Haæphthenus dict. tract. 2. disquis. 12. & 4. Petrus Herodus de patrio iure, pag. 984, ut jure civili etiam licet ratione dominii seruos in usum templi dedicare, l. servos 35. ff. de liber. cas. ubi Cujacius, & Gothofredus, vel eos testamento manumittere sub ea conditione, ut in templo defervirent, vel a monumento non recederent, l. libertis 18. §. ult. ff. de alim. legat. l. Tiro censum, ff. de condit. & demonstr. quæ conditio, aut devotio ipsorum servitorum religionis obstringebat, ut docuit Amaya lib. 1. obs. cap. 6. num. 13. Nec tunc domini factum alienum promittebant, sed de re propria disponebant: ita etiam cum filios parentes monasterio offerebant, de re propria disponebant: quare virtute talis oblationis illis primis seculis illi perfecti monachi fiebant. Verum quia in his oblationibus sinistra intentio, seu respectus humanus intervenire poterat, rectius posterioribus Ecclesiae canonibus hoc fuit correctum, non sublatâ omnino parvulorum oblatione, sed hac adjectâ conditione, ut nisi adveniente legitima aeta filii tacite, vel expresse consentiant, non confeantur professi, immo ritè possint a monasterio descendere.

C A P U T XIII.

Innocentius III. N. Abbat (a) de Flore.

Prorectum nobis ex parte tua petitorum continebat, quod I. Canonicus (b) Achentinus insitmitate (c) gravatus, votum ut fieret monachus se afferuit emisisse; unde metuens, ne voto decederet non completo, junctis manibus tibi se (d) reddidit in monachum, & in fratrem: alii quoque in absentia tua se in Sacerdotum manibus monachos fieri devontes, sancti sanctorum vomitum redierunt. Et cum familiares monasterii tui antea extisissent, quia non fuerunt ad antiquam familiaritatem admissi, adversarii facti sunt pro amicis. Utrum ergo talium facta dissimilatae valeas, ne fiant detinores; an compellendi sint ad complenda promissa, per nos postulas edoceri. Nos ergo inquisitione tuae taliter respondemus, quod cum monachum faciat non (e) habitus, sed professio regularis, ex quo a convertendo emititur, & recipitur ab Abbatie, ut talis fiat monachus, & reddat Domino, quod promisit, erit ut pue non immergit compellendum. Datum Latoran. 3. Idus Januarij.

NOTÆ.